

نسخه سی ۱۰ غروشدر

صاحبی، مدیری، محرری



اسلامك نفعنه خادم مقالات
مع الت شكر قبول ونشر اولونور

يازانك شخصيتي دكل، يازينك اهميتي
نظردفته آلتير .

كلن يازيلردن شاين قبول كورولنلر
تاسخ ميراسيله درج ايديلير .

مخفل

۱۳۳۸

دینی، علمی، ادبی، اجتماعی و شمیم بک
شهری مجموعه در

۱۳۴۱ شواله مخصوص نسخه

عدد : ۳۶

اداره خانه سی : آفسرایده
ملا کورانی محله سنده مهتر
سوقاغنده ۳ نومرولو خانه

مرکز توزیعی :

باب عالی جاده سنده (اتحاد
تجارت) کتبخانه سی

آبونه بدلی :

سنه لکی ۱۰۰ غروش
آلتی آلتی ۵۰

جلد : ۳

مهمربات:

مخفل دینی و علمی : بایرام تبریکی و افاده مخصوصه - طاهر المولوی . جمعه غسلی ، جمعه نمازینه
ایرکن کیتک ، جمعه وقتی آلیش ویریشک تعطیلی ، وظیفه و جمعه نمازی - طاهر المولوی . علم اساطیر -
طاهر المولوی . عالم اسلام و عرقلر مسئله سی - سعدی بک .

مخفل ادبی : توحید و تمجید باری - محمد صادق افندی . نعت شریف - توقادی زاده شکیب بک .
رباعی - شیخ عبدالباقی افندی . غزل - محی الدین رائف بک . آفاق تنوری و انفسک تحسری - طاهر المولوی .

مخفل تاریخی : جعفر بن ابی طالب - طاهر المولوی . شیخ عثمان شمس افندی حقنده - حسین و صاف بک .
اسعد دده مرحومه دائر بعض خاطرات - طاهر المولوی .

عبادات اسلامیہ دن :

جمعہ نمازینہ ایرکنجہ کیتمک :

حاجی ذہنی افندی مرحوم دیسورکہ :

« جمعہ کوئی تبکیر مطلوبدرکہ جمعہ نمازیمچون جامعہ ایرکنجہ چیقیلیر . ایکی رکعت تحیت مسجد قیلینوب اوطورولہرق تلاوتی یوم جمعہ مندوباتندن اولان سورۃ کہف دیکلہنیر . . . سعی الی الجمعہ فریضہ سنک ثوابی اکا مبادرتدہ کی تفاوت اعتباریلہدر - کتاب الصلاة »

« عن ابی ہریرۃ ان رسول اللہ صلی اللہ علیہ وسلم قال من اغتسل یوم الجمعة غسل الجنابة ثم راح فكأنما قرب بدنة ومن راح في الساعة الثانية فكأنما قرب بقرة ومن راح في الساعة الثالثة فكأنما قرب كبشاً ومن راح في الساعة الرابعة فكأنما قرب دجاجة ومن راح في الساعة الخامسة فكأنما قرب بيضة فاذا خرج الامام

حضرت الملائكة يستمعون الذكر - مسلم » ذہنی افندی ، بوحدیشک مألنی شو صورتلہ نقل ای دیسور :

« اوردہ وارد اولدینی اوزرہ جمعہ نمازیمچون غسل ایدوب ایلاک . ساعتہ جامعہ واران برده وہ و ایکنجی ساعتہ واران براینک و اوچنچی ساعتہ واران برقوق و درنجی ساعتہ واران برطاووق ویشنجی ساعتہ واران بریومورطہ تصدق ایتمش اولور . محشینک اقادہ سنہ کورہ ساعتلردن مقصد : لحظات لطیفہ ، یعنی برطاقم اجزای زمانیہ درکہ مبدای زوال شمس و منتہایی خطیبک منبر اوزہ رندہ اذان دیکلمک ایمچون اوطوردینی اواندر . ایدی کاتبین کرامدہ جمعہ حسنائی ایمچون مفتوح اولان دفتر ثواب اندن صوکرہ دورولور »

جمعہ وقتی آلیش ویریشک تعطیلی :

نظم کریمدہ (اذا نودی للصلوة من یوم الجمعة فاسعوا الی ذکر اللہ و ذروا البیع . .) یعنی « جمعہ کوئی اذان او قونجہ نمازہ کیدیکنز و بیع و شرایی ترک ایدیکنز » بو یورولمشدر [۰]

[۰] عہد نبوی ایلہ صدیق اکبر وفاروق اعظم دورلرندہ ذات اقدس پیغمبری و شیخین مکرمین حضرت تلی منبرہ چیقینجہ مسجد داخلندہ اذان او قونوردی . جناب عثمان خلیفہ اولونجہ خارجدہ دہ اذان او قونمایہ باشلادی - تفسیر خازن .

« اوکون اوکلہ اذاندن اعتباراً اداء صلات جمعہ دکن ایش و آلیش ویریش ، مکلف بالجمعہ اولانلرہ تحریماً مکروہ اولور . قادیلر مکلف بالجمعہ اولنماقلہ ایملرندن قالمالر - کتاب الصلاة »

بوندن آکلاشیلدیغنه کورہ جمعہ کوئی آنجاق نماز وقتی تجارت و مساعینک تعطیلی مقتضیدر . یوقسہ اوکون تجارتکاھلرک قابالی بولوندورلماسیلہ مسلمانلھک علاقہسی یوقدر . بالعکس (فاذا قضیت الصلوة فانتشروا فی الارض وابتغوا من فضل اللہ . .) یعنی « نماز قیلینجہ چارشئیہ ، بازارہ داغیلکنز و فضل السیدن رزق طلب ایدیکنز ، امر جلیلندہ ترغیب تجارت واردر . چونکہ : اسلام ، دین فعالیتدر ، دین عطالت دکدر . وظیفہ و جمعہ نمازی :

« قال عبد اللہ بن رواحہ رضی اللہ عنہ تخلفت للجمعة عن سرية کان النبی صلی اللہ علیہ وسلم عیني فیہا فرأني النبی صلی اللہ علیہ وسلم فقال ما خلفک عن اصحابک قلت الجمعة معک یا رسول اللہ فقال رسول اللہ صلی اللہ علیہ وسلم لو انفتحت ما فی الارض ما درکت غدوتهم - کشف الغمہ » یعنی « عبد اللہ بن رواحہ دیرکہ : رسول اکرمک بنی تعینن ایتمش اولدینی برسریدن جمعہ نمازینی قیلیمق ایچین کری قالمشدم . علیہ الصلوة افندی بنی کوردی و آرقہ داشلرکدن نیچین کری قالدک ؟ دیبہ صوردی . سنکله جمعہ نمازی قیلیمق ایچین . جوابی ویردم . اگر ارض اوزرندہ کی شیلرک هپسنی اتفاق ایلہمش اولسہ یدک ینہ اوئلرک صاحبلاین حرکتلرندن طولایی قازانمش اولدقلری ثوابی اکتساب ایدہ هنرک . » بو یوردی .

« بوکون جمعہ اولماسه یدی یولہ چیقاجقدم » دین برینہ جناب عمرک « اخرج لسفرک فان الجمعة لا تحبس عن السفر » یعنی « کیدہ جکک یولہ کیت ، جمعہ ، یولجی نی یولندن آلیقوماز » دیدیکی کشف الغمہ مذکوردر .

جمعه غسلی

بنی حکیم علیہ الصلوٰۃ والتسلیم اقدیمز، مسلمانلرک
جمعه کونی - صواقضا ایتمش اولسون، اولماسین -
بیقانلارینی امر ایدر و «اذا اراد احدکم ان یأتی
الجمعة فلیغتسل - مسلم» یعنی «جمعه نمازینہ کلمک
ایستہ نلریکز غسل ایتسین» دیردی .

صحیح مسلمده ابوهریره رضی الله عنه دن
روایت ایدیلورکه :

«حضرت عمر برجمعه کونی خطبه او قورکن
جناب عثمان مسجد شریفه کیزدی . هشار الیهک
کیکمش اولماسنه تعریضاً خلیفه حضرتلری، بر
طاقم کیسه لر ندایی ایشیتد کدن صوکرانه دن کچ
قالیورلر؟ دیدی . حضرت عثمان : یا امیر المؤمنین!
ندایی ایشیدیر ایشیتمز آبدست آلم، کلم .
جوانی ورنجه فاروق اعظم : برده آبدست ها!
رسول اکرم صلی الله علیه وسلمک «اذا جاء احدکم
الی الجمعة فلیغتسل» بویوردیغنی دویمادیکز می؟
دیدی .»

ینه مسلم شریفده حضرت عائشه رضی الله عنها
وعن ابیہادن نقل اولونویورکه :

«عوالی جهتلرنده اوطورانلر، جمعه نمازینہ
مناوبہ کیرلردی . بونلر، عبا کیندکری جهتلہ
صیجاقدن وجودلری ترلر، اوزرلرینہ توز،
طوپراق بولاشیر . بناءً علیہ اوستلری، باشلری
قوقاردی . بونلردن بری، رسول اکرم صلی الله
علیه وسلمی کورمک ایچین بزم حجره یه کلدی و طرف
رسالتدن «لوانکم تطهرتم لیومکم هذا» یعنی
«شو کونکمزده تمیزله تمش اولسه یدیکز» خطابنه
اوغرادی .

کذا صحیح مسلمده جناب عائشه دن نقلاً
ده نیلیورکه :

«ناسک اکثری ایش، کوچ صاحبی اولدینی
کبی ایشلرینی کوردورده جک آداملری ده یوقدی .
چالیشیق طولایسیله اوستلری باشلری قوقاردی .
بوندن طولایی کنیدیلرینہ «لواغتسلتم یوم الجمعة»
یعنی «جمعه کونی بیقانسه کز» بویورولدی .

کذا علیہ الصلوٰۃ والسلام اقدیمز، علی الا کثر
جمعه کونلرنده «یامعشر المسلمین ان هذا یوم
جعلہ الله عیداً فاغتسلوا ومن کان عنده طیب فلا
یضره ان یمس منه وعلیکم بالسواک - کشف الغمہ»
یعنی «ای مسلمانلر! شو کونی الله، اسلامه بایرام
قیلمشدر . بناءً علیہ او کون اغتسال ایدیکز . هر کیمک
تزدنده کوزل قوقولر وارسه اوندن سورونمک
کندینسه ضرر ویرمز . برده مسواک قوللانمایه
مداومت ایله ییکز» دیردی .

* *

اوموزلرندن آتلامق صورتیله

جماعتک لزجاجی :

بعضی صوفیلر واردرکه کچ قالدقلری حالده
جامعهده اوک صفه کچمک ایچین اوموزلرینہ باصمق
و چامورلو قوندورده لرینک صوینی اوستلرینہ،
باشلرینہ آقیمق صورتیله جماعتی ازجاج ایدرلر .
بنی حکیم علیہ الصلوٰۃ والتسلیم اقدیمز حضرتلری،
بوکی حرکتلرده بولونمایده نهی ایله مش و «من
تخطی رقاب الناس یوم الجمعة اتخذ جسراً الی جهنم»
یعنی «ناسک بویونلرینہ باصهرق ایلرله مک ایستہین،
جهنمه کوپرو قورمش کبی اولور» بویورمشدی .
کذا خطبه ائناسنده برینک بویله یاپدیغنی کورورسه
«اجلس فقد آذیت» یعنی «اوطور، جماعتی ازجاج
ابتدک» دیردی . مابعدی وار

طاهر المولوی